

# INUIT ATAQATIGIIT

## INATSISARTUNI



26. september 2022

Inatsisartut Suleriaasianni § 37, imm. 1 naapertorlugu Naalakkersuisunut ima apeqquteqarpunga.

### **Naalakkersuisunut apeqqut:**

- 1. Kommunit aaqqissuuteqqinnejarnerannut ataatsimiititaliap qitiusumnik allaffeqarfissuarmit (namminersorlutik oqartussat) kommuninut suliassanik nuussinissat pillugit kaammattuutaasa piviusunngortinneqarnerannut killiffik ullumikkut qanoq ippa:**
  - a) Kaammattuutit suut atulersinneqareerpat – suullu suli atulersinneqanngillat?**
  - b) Kaammattuutit suli atuutilersinneqanngitsut atulersinneqarnissaannut piffissamik pilersaarut qanoq ittoq naatsorsuutigineqarpa?**
  - c) Kaammattuutit ilaat Naalakkersuisut allanit pingarnerutippaat? Naalakkersuisullu kaammattuutinut ataasiakkaanut pingarnersiuinerat qanoq isikkoqarpa?**
  - d) Kaammattuutit suut Naalakkersuisut atuutilersinneqarnissaat kissaatiginnilaat?**
- 2. § 37 apeqqut nr. 147/2022-mi ilaatigut (apeqqut 3-mi) Naalakkerusisut pisortat ingerlatsiviini aaqqissuusseqqinermi suut anguniagaralugillu pileraarutigineqaraat apeqqutigaara, tassani siunissami kommunit Namminersorlutillu Oqartussat akornanni suliassanik agguaassinissamut ilaatigut tunngatillugu. Naalakkersuisut akissuteqarnerminni “Naalakkersuisut suliffeqarnermut periusissiaat 2022-2024” innersuussutigaat, tassanilu suliffeqarnermut immikkoortuni kommunit**

# INUIT ATAQATIGIIT

## INATSISARTUNI



Namminersorlillu      Oqartussat      akornanni      suliassanik  
aguataarinninnermik aaqqissuusseqqinnej kalluarneqarpoq.

**a) Suliffeqarnermut immikkoortoq pisortat ingerlatsiviini aaqqissuusseqqinnerup nanginneqarneranut taamaallaat Naalakkersuisunit anguniagaqarfingineqarlunilu pilersaaruteqarfingineqartutut akissut paasineqassava, tassani siunissami kommunit Namminersorlillu Oqartussat akornanni suliassanik aguataarinninnermut tunngatillugu?**

**b) Taamaattoqanngippat: Pisortat ingerlatsineranni immikkoortut allat suut aaqqissuuteqqinnejarnissaannik Naalakkersuisut anguniagaqarlillu pilersaaruteqarpal, tassani siunissami kommunit Namminersorlillu Oqartussat akornanni suliassanik aguataarinninnermut tunngatillugu?**

(Inatsisartunut ilaasortaq Asii Chemnitz Narup, Inuit Ataqatigiit)

### Tunngavilersuut:

§ 37 naapertorlugu apeqquummut 147/2022 Naalakkersuisut akissutaat apeqquutinnut paatsoorermik tunngaveqarsorinarpoq. Akissut paassisutissanik kissaatigisannik imaqanngimmat, apeqquutikka saqqummiuteqqippakka, taamaaliorninnilu akissummi paatsuuinerusinnaasunik akissutillu naammaginartuunissaanut paatsuuinernut pinngitsoortitsisinnaasunik tunngavilersuuteqarpunga.

Naalakkersuisut december 2003-mi isumalioqatigiissitamik (aaqqissuusseqqinnermik ataatsimiititaliamik) ima suliakkerneqartumik pilersitsipput:

1. Pisortat ingerlatsiviini nammakiutit suliassallu aguataarnerisa allanngortinneqarneranni assigiinngitsuni pitsaaqtinik pitsaanngequatinillu nalilersuinissaq.

# INUIT ATAQATIGIIT

## INATSISARTUNI



2. Nunap immikkoortuinik innuttaasunillu tunngavinnik siunnersummiq saqqummiussinissamik, tassani kommunit angussusaat qanoq ittut siunissami kommunit aaqqissuunneqarneranni tunngavigineqartariaqarnersut ilanngullugit.

Aaqqissusseqqinnermut ataatsimiititaliaq 2005-mi isumaliutissiissumminik saqqummiussivoq ("Pisortat ingerlatsineranni aaqqissusseqqinnissaq pillugu isumaliutissiissut"). Suliakkiut malillugu isumaliutissiissummi qitiusumit allaffeqarfissuarmiit (namminersorlutik oqartussanit) kommuninut suliassanik nuussinissanik ilaatigut imaqarpoq, ilaatigullu kommunit kattutitinneqarnissaat pillugu kaammattuutinik arlalinnik imaqarluni.

Namminersorlutik Oqartussat qitiusumik allaffeqarfissuarmiit (namminersorlutik oqartussanit) kommuninut suliassanik nuussinissaat pillugu kaammattuutit paasisaqarfigerusuppakka. Ilanngullugu pisortat ingerlatsinerat pillugu Naalakkersuisut aaqqissusseqqinnissamut sunik anguniagaqarlutillu pilersaaruteqarnersut paaserusuppara.

Aaqqissusseqqinissamik atatasimiititaliap isumaliutissiissutaa Inatsisartut 2006-mi upernaakkut ataatsimiinnerminni suliaraat (UPA 2006/15). Taanna aallaavigalugu Naalakkersuisut pisortat ingerlatsinerannik aaqqissusseqqinnermik suliaqaqqinnissaat pillugu siunnersuut Inatsisartut 2006-mi ukiakkut ataatsimiinnerminni suliaraat (UKA 2006/51).

Aaqqissusseqqinnermi anguniakkat tunngavigineqartut – tassani piffimmi oqartussaaqataanerup ikorfartorneqarnissaanut, marloqiusamik allaffisornerup annikillisarneqarnissaanut pisortallu ingerlatsinerisa pisariillisarneruneqarnissaanik anguniakkat ilanngullugit – suli naapertuussorinarpot. Ukiunili kingullerni aaqqissusseqqinnerup siuariartornera takujuminaatsorujussuanngorpoq.